

ԱՐՁԱՆԱԳՐՈՒԹՅՈՒՆ

<<Տրավ Սիմֆնի>> ՍՊԸ-ի կողմից նախատեսվող ՀՀ Արարատի մարզի Վեդի համայնքի Գոռավան բնակավայրի վարչական տարածքի Արարատի տրավերտինների և կավերի հանքավայրի <<Սալաքար>> տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ երրորդ հանրային քննարկում /3-րդ լսում/:

Վեդի համայնք Գոռավան բնակավայր:

28.06.2024 թ.

2024 թվականի հունիսի 27-ին ժամը 15:00-ին ՀՀ Արարատի մարզի Վեդի համայնքի Գոռավան բնակավայրի վարչական ղեկավարի նստավայրում /գյուղ Գոռավան, Գևորգ Մարգարյանի 12/ տեղի ունեցավ <<Տրավ Սիմֆնի>> ՍՊ ընկերության /այսուհետ նաև՝ Ընկերություն/ կողմից ներկայացված ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի <<Սալաքար >> տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ երրորդ հանրային քննարկում /3-րդ լսում/:

Հանրային քննարկմանը մասնակցում էին ՀՀ Արարատի մարզի Վեդու համայնքապետարանի աշխատակազմի քարտուղար՝ Հ. Ստեփանյանը, գյուղատնտեսության և բնապահպանության բաժնի պետ՝ Շ. Բաքոյանը, գյուղատնտեսության և բնապահպանության բաժնի գլխավոր մասնագետ՝ Ս.Կարապետյանը, համայնքապետարանի աշխատակազմի ստորաբաժանումների ներկայացուցիչներ, Գոռավան բնակավայրի վարչական ղեկավար՝ Դ. Ավետիսյանը և գյուղի բնակիչներ, Ընկերության տնօրեն՝ Ա. Բաբայանը և Ընկերության փորձագետ՝ Գուրգեն Հակոբյանը:

Հանրային քննարկումը /լսումը/ բացեց և խոսքով հանդես եկավ Վեդու համայնքապետարանի աշխատակազմի քարտուղար՝ Հրաչյա Ստեփանյանը և հայտնեց, որ ՀՀ կառավարության 19.11.2014թ. թիվ 1325-Ն/ որոշմամբ սահմանված կարգով (այսուհետ նաև՝ Կարգ) կազմակերպվել և իրականացվում է Ընկերության կողմից ներկայացված ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի <<Սալաքար>> տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության գնահատման հայտի վերաբերյալ թվով 3-րդ հանրային քննարկումը /3-րդ լսում/:

Ղեկավարվելով Կարգի դրույթներով, Վեդի համայնքի ղեկավարի կողմից հանրային քննարկումների պատասխանատու է նշանակվել Վեդու համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ՝ Ս. Կարապետյանը և խոսքը փոխանցվեց վերջինիս:

Վեդու համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ Ս. Կարապետյանը, նշեց, որ քննարկվող

հարցի շուրջ 3-րդ հանրային քննարկումն է /3-րդ լսում/, վերջինս առաջարկեց ձեռնարկողին հանդես գալ համապատասխան զեկույցով, որից հետո կիրականացվեն քննարկումները:

Վեդու համայնքապետարանի աշխատակազմի գյուղատնտեսության և բնապահպանության բաժնի պետ Շ. Բաքոյանը հարցեր ուղղեց Ընկերության ներկայացուցիչներին՝

1. Հանքավայրը որքան տարածք է զբաղեցնելու .
2. Հանքավայրի տարածքի գործառնական նշանակությունը .
3. Որքան է կազմում հանքավայրի ընդհանուր պաշարները, տարեկան որքան եք արդյունահանելու .
4. Գոռավան բնակավայրից որքան հեռավորության վրա է գտնվում նախատեսվելիք հանքավայրը.
5. Որքան աշխատատեղ եք նախատեսում և պատրաստվում եք ազդակիր բնակավայրից ընդգրկել.
6. Կանաչապատման Ձեր տեսլականը այժմ և ապագայում, կլինի արդյոք հանքավայրին փոշեպաշտպան կանաչ գոտի.
7. Ինչպես եք կարգավորելու ծանր բեռնատարների գերբեռնվածությունը, օգտվելու եք արդյոք համայնքային ճանապարհներից.:

Հարցերին պատասխանեց Ընկերության տնօրեն՝ Ա. Բաբայանը, վերջիններս հայտնելով, որ ընկերության կողմից նախատեսվում է ստեղծել նոր՝ 10-15 և ավելին աշխատատեղ, ընդգրկելով ազդակիր Գոռավան բնակավայրի և Վեդի համայնքի բնակիչներին:

Նշվեց, որ հանքավայրը գտնվում է Արարատի մարզի Վեդի համայնքի Գոռավան բնակավայրի վարչական տարածքում, և վերջինիս հեռավորությունը հանքավայրից՝ 2.3 կմ. է: Հանքավայրը գտնվում է բարենպաստ ճանապարհատրանսպորտային պայմաններում:

Ելույթ ունեցավ Ընկերության փորձագետ՝ Գուրգեն Հակոբյանը, վերջինս ներկայացրեց ՇՄԱԳ հաշվետվությանը վերաբերող հարցեր, որից հետո անցան քննարկման փուլին

Հաջորդիվ համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ՝ Սիմոն Կարապետյանը հարցեր ուղղեց Ընկերության ներկայացուցիչին՝

1. Կենսաբազմազանության ուսումնասիրություն արվելու է արդյոք թե ոչ.
2. Կարմիր գրքում գրանցված կենդանատեսակներ և բուսատեսակներ կան արդյոք նախատեսվող հանքավայրի տարածքում.
3. Հանքավայրի տարածքը արդյոք մոտ չէ արգելավայրին.
5. Գործունեության ժամերի սահմանափակում կլինի արդյոք թե ոչ.
6. Գործող ճանապարհը տեղ-տեղ հատում է արգելավայրի սահմանները , արդյոք նախատեսում եք այրընտրանքային ճանապարհ :

Հարցերին պատասխանեց Ընկերության ներկայացուցիչ՝ Գ. Հակոբյան

Նախագահողը հարցրեց, թե արդյո՞ք ազդակիր Վեդի համայնքի բնակիչների կողմից կան հարցեր, թե՞ ոչ: Հաշվի առնելով լսարանի դիրքորոշումը՝ հայտարարեց լսման ավարտ:

Ամփոփելով հանրային քննարկման արդյունքներն ազդակիր Վեդի համայնքի ներկայացուցիչները նախնական հավանություն են տալիս «Տրավ Սիմֆնի» ՍՊԸ-ի կողմից նախատեսվող ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի «Սալաքար» տեղամասի բացահանքի հանքարդյունահանման աշխատանքների՝ շրջակա միջավայրի վրա ազդեցության գնահատման հայտի վերաբերյալ հանրային 3-րդ քննարկմանը /3-րդ լսում/:

Կից ներկայացվում է մասնակիցների ցանկը՝ 1 թերթ և հանրային քննարկումների էլեկտրոնային կրիչը:

Քննարկումների պատասխանատու՝

ՀՀ Արարատի մարզի
Վեդի համայնքի ղեկավարի
պարտականությունները կատարող



/ Ռ. Հակոբյան

Ձեռնարկող՝ «Տրավ Սիմֆնի»
ՍՊԸ -ի տնօրեն՝



/ Ա. Բաբայան

Վարող՝

/ Ս. Կարապետյան